

FORUM ONG TIMOR LESTE THE EAST TIMOR NGO FORUM



Caicoli Street, Dili -Timor Leste /Mobile Phone [7265169](tel:7265169) /adv_just@yahoo.com / etngocentre@hotmail.com

SUBMISAUN SOSIEDADE SIVIL Ba Komisaun C, Parlamentu Nasional Timor-Leste

ORSAMENTU GERAL DO ESTADO TINAN 2009

Timor-Leste hetan nia independensia iha 20 de maiu 2002 n'eebe hetan apoiu husi mundu internasional. Hodi halao dezvoltimentu rai nee nian prezisa rekursu nebe subsente atu halao makina dezvoltimentu nasaun nian. partisipasaun identidade hotu-hotu hanesan faktore determinante ida hodi kria nasaun nebe mak diak hodi atinji objektivo estadu nian tuir Konstituisaun. iha prosesu dezvoltimentu rai laran, tinan-tinan governu Timor-Leste halao planu orsamentu hodi lori ba Parlamentu Nasional atu aprova antes governo atu eksekuta.

Bazeia ba carta despaisa nebe Parlamentu Nasional iha data 02 de Dezembru de 2008 ho no refensia n^o 14/II/2^a / Komisaun C ho asuntu atu participa audensia sobre proposta da lei n^o 16/II/2^a Orsamento Geral do Estado tinan sivil 2009. Bazeia ba proposta orsamentu mak governu prepara ba Tinan Sivil 2009 ho total orsamentu US\$680.873 milioens dolar amerikanu.

Razaun fundamental hirak nee papel sosiedade sivil oinsa atu halao nia knar nudar azenti kontrola sosial no transformasaun sosial nebe hamahun an iha FONGTIL hakarak ho hanoin ba membrus Parlamentu Nasional atu tau ba konsiderasaun antes atu tama ba debates iha plenariu. Ho hanoin hirak nee ami hakarak hato'o ami nia sub misaun mak hanesan tuir mai ne'e:

Iha pontus geral 5 mak ami koloka iha ami nia submisaun

1. Tuir Politika IV Governu Konstitusional fo prioridade ba aspectu Infrastructura, Dezvoltimentu Rural no Rekursu Humanu, maibe Orsamentu ne'ebe Governu planeia refleta dunik politiku ne'e ka lae?
2. Parlamentu Nasional Komisaun C persija halo review fila fali proposta alokasaun Orsamentu Geral do Estado 2009 iha kada kategoria orsamentu iha item Salariu e Vensimentu nebe mak aumenta 41,1% kompara estimasaun orsamentu 2008 nia tamba orsamentu ida ne'e bele provoka inflasaun sasan folin sae. Ami preokupa mos alokasaun ba iha item Bens e Servisu ho Kapital Dezvoltimentu nebe mak tuir ami nia hare katak, alokasaun ne'e ladun konsidera dezvoltimentu Infrastructura nudar prioridade tamba Bens e Servisu boot liu fali Kapital Dezvoltimentu.

3. Basea ba Artigu 9 Lei Fundu Petroliferu hateten katak, laiha tranferensia mak bele halo husi fundu petroliferu ba iha orsamentu geral do estadu, wainhira tranferensia ne'e liu tiha Kalkulasaun Rendimentu Sustentavel. signifika katak, orsamentu ne'ebe mak ho valor US\$589,0 ne'e liu ona kalkulasaun Rendimentu Sustentavel (3%) hamutuk US\$181,2 miloens. maibe iha alinea (d) fo possibilidade ba governu atu foti osan ne'e maibe governu tenke halo justifikasaun ba nia benefisio ba gerasaun agora no futuru. Ami husu ba membrus Parlamentu Nasional, espesifikamente Komisaun C, atu konsidera ami nia preokupasaun ida ne'e tamba ami sociedade sivil lakohi atu governu repete fila fali failansu mak akontese iha tinan 2008 dadaun ne'e kona legalidade orsamentu, e failansu ida ne'e bele estraga kredibilidade estadu ida ne'e nudar nasuan soberanu no demokratiku.
4. Tuir relatoriu eksekusaun orsamentu 2008 hahu husi rejultadu eksekusaun I trimester, II trimester no III trimester 59,1% husi orsamentu mak hamutuk US\$778,312 miloens oinsa rejultadu fiskalizacao ne'ebe Parlamentu Nasional nebe sai fiskalizador ba aktividade governu nian oinsa? Proposta OGE 2009 ne'e reflata governante sira nia kapasidade ka lae?
5. Governu persija klarifika didiak projeksaun reseitas orsamentu geral do estadu 2010 hamutuk US\$662.6 miloens tamba reseitas husi fontes nao konfirmadas hamutuk US\$207,7 miloens ne'e atu mai husi ne'ebe (Quadru 2.8)?

Se Komisaun C konkorda, ami husi sociedade sivil iha intensaun atu halo submisaun tan iha semana oin ho detailhu no sugestaun seluk.

Mak ne'e deit ami nia submisaun ba membrus Parlamentu Nasional Komisaun C atu bele konsidera ami nia pontus preokupasaun hirak ne'e atu nune prosesu dezenvolvimentu rai laran bele lao tuir ita hotu nia hakarak. Ba ita boot sira nia kolaborasaun no komprensaun ami hato'o obrigadu wain.

Dili, 10 de Dezembro de 2008

Antonio Abel Guterres
Sekertariadu Fongtil

Abaixo Assinado :

1. Elio Dias (MATA DALAN INSTITUTE)
2. Arsenio Pereira (HASATIL)
3. Elio Pereira Guimaraes (LUTA HAMUTUK)
4. Filomena Franco (DENORE)
5. Maria Cabral (HAFOTI)
6. Jaime Martins (JSMP)
7. Adino Nunes (LA'O HAMUTUK)
8. Sedelizio Ximenes (F.BALOS)